

向日堂詩集

卷拾玖



成基

向日堂詩集卷九 乙巳至壬子

海寧陳寅心田

古今體詩

將從維揚歸吳偕同人平山堂小飲桐嶼二兄贈

詩口占奉答卽以畱別

天涯兄弟對離筵讀罷清詞意黯然蕉鹿名場情本幻

雪鴻詩境句皆仙十年舊夢平湖外一種新愁斷鴈邊

時得笠民大兄此去前途羞鴛鴦願從池草寄長鞭

畱別荳江四弟

向日堂詩集 卷九

幾曲驪駒韻共流碧雲丹桂話蘭舟鵠原新痛來千里

鴈序重逢過十秋一片歸心飛越水二分明月繞揚州

相期後會知何處粵海灣深望爾遊

策蹇行哭晴山仲兄

旃蒙之歲雨不濡驕陽赤地連三吳山川滌滌雲漢圖

右客窮居歸且逋忽忽漸覺饑來驅室人交謫誰歡娛

仰天自愧長嘻吁出門惘惘空踟躕前往漳州謀稍蘇

關山磨盤徑崎嶇可憐天暑人在途絕無遮蔽策蹇驢

心煩意亂口舌枯清泉一勺如醍醐橫吞直飲不稍需

須臾氣閉神模糊更無骨肉親爲呼惡僕僵臥不肯扶
哀哉吾兄身竟殂下蔡邑宰家封胡二百餘里急遣奴
買棺殯殮面目殊料得蠅蚋侵肌膚淒涼身後衣衾羸
荒村古廟啼寒鳥報入家人心膽瘡將疑將信相揣摹
維時伯兄滯閩湖有弟逆旅在江都聞之驚駭形神孤
遂議幹辦忙奔趨靈輿直達東海隅一杯黃土鄰先塋
魂魄庶幾無憂虞椒酒一樽黍一盂靈其冉冉來青蕪

初秋渡江寄懷蔣二春江

雲帆初掛木蘭舟遠寺鐘鳴宿霧收海日光開烟樹曉
向日堂詩集卷九
江風吹動蓼花秋金閨亭畔懷新雨鐵甕城邊憶舊遊
料得吳山清憩處頻看明月話揚州

梅影六十初度畱飲山莊口占奉壽

峰明柳秀無雙地橘綠橙黃最好天延壽花開逢九日
杖鄉橋近接耆年金萱喜進千春酒玉署欣開一輩賢
叨與謝公池上宴葭莖光附碧雲牋

名圍海內多佳境重整平泉有幾人却想當時烟月好
難逢此日管絃新燈明靜夜光如畫酒泛涼秋氣似春
深識遂高無限意山中菘韭不嫌貧

詠素心蘭次兩松徐大中丞韻
飽餐幽韻不思茶
天使擎來素女花
空谷已傳清氣味
國香長抱潔根芽
漢臯餘馥分仙佩
瑤圃同芳映淨沙
惟有寸心峰頂戴
好持精白報皇家

一種奇葩分外清
馨香端合竝
粼盛朝聞芳氣和
雲吐暮擷英華帶
月行坦白當門
寧見忌淡交
居室豈忘情
斷金若得冰壺趣
試與同心證舊盟

立春日沈直夫州倅招飲許健菴官舍口占

皖城佳氣入春臺
客裏辛盤喜共陪
翡翠筵前新彩燕
向日堂詩集卷九

三

玻瓈鏡內小蓬萊
玉池燈起初迎月
官閣詩成恰放梅
萍跡相逢如舊雨
良宵深醉李膺杯

題皖城王星來別業

輞川佳境皖城隈
沙鳥風帆滿目來
四面山光列屏障
一江春色赴亭臺
閒情問主頻看竹
鄉思撩人乍放梅
盈架圖書歸嘯傲
瓊樓應有謫仙才

題半車姪採藥圖

吾家半車人中豪
丰神瀟灑胷次高
髻年卓犖染霜毫
綵筆真如百鍊刀
文章浩瀚驚波濤
采芹鴛水拖青袍

洵宜瀛海掣巨鼇或爲雲鶴鳴九臯秋風墮穉偏相遭
豁然長嘯萬籟號芒屨竹杖喜翔翹羽衣翩躚碧絲縑
飄然行步風颼颼入山採藥不辭勞手挈筠籃輕如毛
梅花竹葉雜仙桃長柄葫蘆載香醪九節靈芝和瓊膏
興酣仰天首自搔大笑吾輩豈蓬蒿不見處士稱清操
山中宰相貞白陶彼何人哉榮袞袞何必洪崖學仙曹
渡太湖

揚州水國羣流趨包涵洩注歸具區控攝三江連五湖
浩浩震澤雷霆驅美哉底定眞奇謨微昔神禹吾其魚

向日堂詩集

卷九

四

昨年亢旱河作塗巢湖可涉洪澤枯滙源不竭維姑蘇
支流沾漑賴沮洳穀我士女供天儲春來新綠漲菰蒲
舟行迤邐儼畫圖輕帆移處日午初東風宕漾行徐徐
顧之令我心目舒此身忽覺凌空虛慨然勝跡思闔閩
林屋洞天搜靈樞靈威丈人乘瓊駒手捧三卷尺素書
爰倩至人爲傳摹莫釐縹緲似有無三萬六千景不殊
溯洄溯游藐思余

梅影內兄招飲遂高園重賞牡丹賦

昨歲花開酌清醑今年重向花前聚節候遲過浴佛辰

繁華仍占春王圃朝川圖勝平泉莊板輿侍奉佳卉旁
綉衣風動低枝亞錦幕雲遮曲檻涼璀璨明珠耀晴日
熒煌不數瑤臺室銀液初從鑪內傾珠光乍向盤中出
牡丹種內有出爐銀玉盤托珠筠簾開處響璫簫檀板金樽蘭麝飄何
必清平稱絕調霓裳細譜已魂消憑闌宛宛雲成隊滿
目西山風雨態天上歌傳一捻紅封姨却步商羊退蠡
杯綠蟻浮新鮮倒影花容最可憐一日千回看不足對
茲富貴等神仙富貴神仙不易得蔦蘿松柏依嘉植年
年歲歲願歌斯嶺表常懷衆香國

向日堂詩集

卷九

五

虎邱雜詠

干鏤鑄寶劍人去名斯在夫婦殫精誠日星耀光彩霸
主好奇功墓門藏磊塊滄桑時代移物華弗遷改紫色
貫斗牛忽出豐城宰神物不可畱成龍入江海竚立望
清池遙遙幾千載

劍池

山頂著靈祠雄材懷短簿聞與髯參軍能令公喜怒桓
公非常人未易揣其度垂楊動悲懷英雄態流露旁觀
亦歎歎解人何不悟髮短心頗長身短謀必固古人重
知已終身遂依附至今東山玉靈感著像塑豈其取精

多易代人猶怖

短簿祠

大塊一浮雲何事乃真有曠代生佳人哀然著土阜老
樹爲檐楹古石作培塿豈其多豔情據此繁華口芳名
何幸畱千載遂不朽三復眞娘篇多謝香山守

眞娘墓

誰削一片石上起生公臺傷動萬花舞說罷千人來頑
石惟無心故爾心可開三吳多甲第樓閣連雲堆其中
人自換姓名何隱埋沾沾自喜子雄踞藐塵埃睠彼空
上人疇與爭是哉

生公講臺

世人戒癡獸而偏爲利役惜財不惜身早夜計多積豈

向日堂詩集

卷九

六

知泉之用流通乃一脈廉亦時有資貪亦未必獲不愁
復何如慙慙是嘉客願將一勺水飲彼愛錢癡

愁泉

登平海炮臺

白日照滄溟乾坤一氣清高臺懸礮火巨浪激雷霆潮
轉盈虧月山浮大小星

嶼邊有大
小星山

聖朝清宴久魴魍

自潛形

博羅舟次

渺渺復悠悠春江一葉舟暮烟迷海若野火豔羅浮覓
句更三轉懷人月半鈎身心常自在何處不瀛洲

恩膏新奉九九重回五嶺祥殿次第開絳節纜從雲外
駐甘霖還自日邊來三春和氣融爲澤四野歡聲動若
雷試向郊原高處望青葱徧地一時栽

會題儋州彭刺史照臨重賦賦同茲黃宮賦賦

風木悲懷悵墓門髫齡陟祀已銷魂緣知少小多英志

華表當年報母恩瞻祀圖 效含羞對車笑問誰對

千里尋師度白雲從游載酒論斯文探珠采玉無窮意

何必同鄉問鄭君負笈圖 火鑪香燭對疏此刻

向日堂詩集 卷九

抱膝紅爐夜氣清三冬燈火讀書聲鄉媛福地隨時在

萬卷何須擁百城擁爐圖 國儲使文君未至王

五色文章燦鳳樓年年耄耋幾含羞停車笑問拋梭匠

花樣於今似舊不公車久滯圖 儋州絲賦少小

會記辛年赴粵東同舟誼重境難同茫茫宦海如君者

已是輕帆遇好風赴粵圖 賦此一相

莫道還珠事少雙烹鮮嘉績紀廉江珊瑚翡翠尋常事

不使商人泛海艤廉陽筮仕圖 天

鳧鳥閒行縱大觀萊蕪山外海漫漫炎波却是清涼地

塵網名韁頓覺寬

萊菴觀海圖

一命恩榮快肯堂 五花丹詔拜恩長 紆青拖紫何曾喜

志士歡愉在顯揚

捧檄圖

製錦公餘訓過庭 琴堂風雨夜燈青 箕裘直爲傳清白

不把黃金換一經

授經圖

式穀惟虞教不先 射侯觀德溯家傳 強弓毒矢均無用

正直還看中的圓

教子正身圖

撫字心勞爲捫胷 從來良牧必親農 春風細雨藤山路

盡沐神君德澤濃

春雨課農圖

向日堂詩集

卷九

八

熙朝孝治重庭闈 忍學何蕃久不歸 民吏莫將鞭鐙截

使君心急舞斑衣

萬里憶親圖

五首題張爾荈照

長松作濤風 颶颶空山無人溪 水流不知何處鐘磬嚮

夕陽明滅黃金樓 釋迦拈花迦葉笑 白猿捧經元猿叫

正法眼藏付斯人 三乘除叅悟精妙 牡丹富貴桃花鮮

火山肉陣同流湏 金粟如來現真相 清涼世界何翩跹

爾菴先生毓吳下 天生胷次真瀟酒 宗派傳來黃石公

風流結向白蓮社 當時次宗入廬山 家事勿問叅禪關

河東三鳳冲霄起未許維摩雲鶴閒

題邱鐵香司馬三樹堂記

徂徠新甫崇詩篇蟠株聳幹形叅天歲寒霜雪偏獨秀
落落衆卉疇比肩梁棟已成非不用世家喬木非不重
豈同樗櫟全天年畱取高柯引鸞鳳東臯邱氏三樹堂
亭亭翠蓋含清光五百年來嘉樹古數十世後餘慶長
瀛洲司馬青雲客勁質貞心伴寒石驥足終爲廊廟材
虬髯早著風流格在昔三槐兆列公君子之澤操券同
鰓生幸附薦蘿義佇看凌雲到海東

向日堂詩集

卷九

九

輓馮玉茗明經

玉樹英華歎早顛修文急召領羣仙千秋海國畱元鶴
二月春風泣杜鵑長吉有才天所靳伯魚無命道難傳
琴堂好語西河客老淚休教涕泗連
曾於官舍瞻清範又向禪關讀舊詩品望已彰圭壁器
文章合在鳳凰池夢回半驛知交痛星墜龍江遠客知
料得九原堪慰藉崢嶸已見玉麟兒

題保昌姚大令詩後

挑燈夜雨讀新詩想見征衣搆苦思投筆從戎空有願

任他操筆未投時
韓江往復迅飛鳧
貌盡溪山入畫圖
一路錦囊佳句好
定知忙煞小奚奴

次姚鐵松廉訪丙午喜見粵榜耆老幼童作

五羊城對畫圖開
鳴鹿清歌侑玉杯
海國光融暘谷日
秋闈聲動禹門雷
龍鍾偏重龍頭望
鳳藻爭看鳳羽來
叨附同舟招後進
羣英誰是巨川材

送前順德令馮五北上

珍重馮君意氣恬
去官瀟洒亦何緣
人從醒後方知夢

向日堂詩集

卷九

十

天到涼時不憶炎
江上蓉城鋪錦爛
嶺頭香國破花尖
明年此日重攜手
萬里鵬程往復瞻

高臺鄉宿朱氏宅

嶺南溽暑重長至
已炎赫肩輿晚行邁
氣蒸城南陌民
事不可遲敢言憚
于役巉巖路迂迴
吁嗟百頓石行近
高臺鄉晚景融
遠碧細草含薰風
清泉漱奇石平疇
千萬頃嘉稻如茵
席明月出遙林浮
光吐玉液父老知
余來欣然似迓客
前溪渡小橋蓬茅
頗安宅子弟爲余
言農人意歡懌今
歲暘雨時秋成冀
大獲聞說善政新
吾

鄉手加額願君慎始終閭里盡蒙澤余言爾無諛得一
漏什伯汝尹無所知惟喜良苗碩

空齋題南海毛大令一亭持鏡圖

嶺南仙吏山東傑貌似無才守迂拙手持一鏡心拳拳

涇渭瑩然自區別金精玉英秉質良雲開月見浮清光

緣何向內不向外幾等匹夫懷璧藏吾聞明者疲於照

休對當途矜焜耀任君百鍊精神強難盡諸形變化妙

觀民觀我總一觀迴光自燭世所難妍媸莫奪千秋鑑

明昧當求方寸安毛君之先風雅史溫柔敦厚此中旨

向日堂詩集

卷九

七

莫高匪山浚匪泉悠然返聽并收視君不見唐朝曲江
稱名賢不獻寶器獻鴻篇宋時呂相清如水能却古玩
無流連容戢斂態紫珍祕獨開生面何新鮮披圖往復
意惆悵懣媿虛堂前鑒懸

皇朝英君歌

皇朝英君歌

皇朝英君歌

皇媧五色補天闕散爲星精狀寰元一卷中含川嶽形
空青幻出神仙窟平生性喜探靈異傳聞精彩聚百粵
縑瘦透漏峯巒起天劃神鏤態超越渺然寸石價千金
土人珍惜重貽厥莫將美石笑武夫寰中怪事稱咄咄

備員恰得來英州終朝案牘如擢髮因公陟彼蛾眉岡
窈窕青山映明月崎嶇直上八百盤嵌空玲瓏復嶺峯
磊磊巉巖盡可愛如到寶山取弗竭歸家不愁鬱林裝
傳名何用襄陽碣我今欲取移雲根眼看奇珍不敢掘
諺云爲宰刮地皮母乃效尤剗山骨

桂陽道中逢連州蕭霞村刺史舟中夜話

十幅蒲帆散曉烟桂陽行役去來船兩邊翠黛濃於畫
一路蘭舟並若仙酒綠燈紅逢此夕話長更短憶他年
乘風不覺灘溪險宦海波濤悟夙緣

向日堂詩集

卷九

三

連江道中

舟行湟水近仙津幽澗飛崖迴絕塵草木紛披皆入畫
溪山窈曲似欺人珠簾壁障千峯雨錦幔藤蘿萬古春
况遇好風吹不斷碧雲移處一番新

續中元英州觀孟蘭會

大隄山會

玉京花果餐金仙彩幢寶蓋爭鮮妍游魂精氣附何處
人傳盼蠻歸香烟元都大會始何代人緇流列羣隊
若爲赦罪救衆生亦與功令資清誨吾鄉風景新秋嘉
江南江北增繁華金粟闌前寶釵女孟蘭盆裏璠枝花

粵東山水頗窈窕花田香浦風流杳沆沆古縣雜岩壑
地方五百孤城小瘠土思善人不淫終須恒產生恒心
卽今歲比去年稔勝事爭趨民共歆雲璈法鼓天花落
白雁翱翔赤鯉躍彈琴三復滕子篇先民之憂後民樂

重游碧落洞

湏陽峽畔多奇峰臯口太尉山龍嵒更有秀巖轟天外

白雲深處連蒼穹炎方氣暖長似夏火雲烈日三秋中
案牘餘閒集知已特尋佳境攀蒙茸蕭疏蠟屐歷古洞
渙然冰釋神冲融足踏青雲近霄漢手捫列宿擎長虹

向日堂詩集

卷九

三

此身疑已到碧落上與帝座靈相通天生靜室在塵世
混沌鑿闢神鬼工淋漓四壁鐫古字雲烟點綴空山空
鐘乳淙淙瀉石罅嵌空百竅何玲瓏豁然長嘯山谷應
祇恐虛穴驚蛟龍忽聞樵童唱古曲無乃水調傳坡公
瓊樓玉宇渺天漢人間天上思忡忡

重游碧落洞

碧落何年下嶺南洞天深處足幽探三秋清爽連飛翠
一色空明到蔚藍壁上星辰宵暗動石邊雲霧晝常含
重來莫道妨公事山水情懷心是耽

已酉早春泛舟滇陽峽
中流擊楫峽輕過晴入新年淑景多千里韶陽青作氣
一川流水綠生波春來山鳥鳴聲異風利舟人笑語和
處處熙臺歡 聖世試從郊外聽農歌

舟次峽山寺訪澄波和尚因贈
朝暎初霽照禪臺霧髻烟鬟四望開一片白雲何處去
寺從天外恰飛來

兩岸青山翠色齊杜鵑花發子規啼風光二月蘭舟路
不數江南九曲溪

向日堂詩集 卷九

十四

迫促官程急鵬過閣黎畱我說禪和不須更吃胡麻飯
野笋山蔬別味多

張文獻公祠

曲江祠宇倚城隈象笏垂紳氣象開海燕詩成奸網脫
秋風扇賜熱心灰廟廷早不啻夷甫使節何煩祭越臺
得似斯人能有幾千年雅度繫懷來

花田

平田漠漠海門東勝事遙傳出楚宮一代香魂歸夜月
千年花色麗春風洲邊翡翠飛何急沙暖鴛鴦睡正濃

剩粉殘脂何足憶夕陽芳草弔英雄

哭王碧珊師

辛年江左別師門十載追隨繫夢魂
碧海雲山成落窻絳紗風雨泣黃昏
著書庭內松猶在立雪齋前氣尙溫
槐里於今誰問字茸城碩彥幾人存

哭徐復堂

峯泖儒林第一枝清真才調繫長思
春風志隔芙蓉鏡秋草歌傳蟋蟀詞

復堂有秋草詩謝客夢殘驚蟋蟀漢宮窺迢怨琵琶一時傳誦

一束

生芻人去後千年故劍月明時何當宦海歸田日杯酒

向日堂詩集

卷九

五

重澆杜氏池

飛來寺次漁洋山人韻

二禺峯絕奇竹樹窈深密異哉眞禪師於此闢靜室
福地有主者乾坤自流出飛來不飛去是虛亦是實
靜中含動機造化何時息梵語紛天花猿鳥皆應律
緬懷無上人臨風長思憶杖錫隨因緣何必炫奇術
殿閣飛瓊雲樓臺耀綺日似移金銀山空中設妙色
山神亦多事不畏舒人疾兩美合必雙此理莫窮詰

重遊飛來寺次漁洋山人韻

我昔叩禪關乃自歲華始東風生薄寒烟霧蒼茫裏俯
仰凌高軒乾坤落杯底一幅米家圖平遠安足齒重來
遊古剎風景全不似萬峯翠欲滴樓閣凌空起不信寺
飛來天造說非詭山僧頗談禪清言澈道髓頗覺洗塵
心淙淙瀉泉水二友語如何一樽吾醉矣夕陽試回首
鱗背暮山紫

夏日遇盛春谷秀才於羊城出詩相示題後

不知瘴雨復蠻烟詩境橫開一洞天
胷有眞機愛花鳥目無名利見山川
懷人意遠愁生我悟道言深句欲仙
向日堂詩集

卷九

六

君自鴛鴦湖畔侶故鄉雲樹思綿綿

題吳芝田少府照三絕句

聞道神仙尉今辭湘子橋風流眞不墜香譽滿江湖
鱷渚觀魚罷珠江射鴨多自憐居矮屋不復唱高歌
黃綬名原薄青雲望不輕有人採輿論攜手復韓城

重修英德縣武廟詩以落之

青虹入殿炎火逸中山一綫畱帝秩阿瞞百代稱神奸
牢籠衆材以詐術天下英雄入彀中公心勿渝始終一
立功斬將報曹恩歸印封金竟馳軼不磷不緇惟聖人

何懼公山與佛肸公之忠誠光宇宙大義千秋如一日
宜與尼山享祀同馨香俎豆春秋匹神威歷代昭精靈
尤於誠聖世著功實英州末吏肅拜瞻古廟城闈歎荒
失鳩工度地南山陽銀漢清秋卜嘉吉丹楹刻桷新復
新自春徂夏功始畢左跨瀧水右滇陽後枕辛峯朝太
乙巍峩祠宇靈爽憑福我良民去回適一方景祐常安
康人和年豐盈百室蘇軾與公同安南主人 題恭頌
親政除夕蘇軾詩 蘇軾詩中誠後何無誠筆題

五斗微名托抱關勞勞途往復迎還歲除爆竹喧厯際

向日堂詩集

卷九

七

春在桃花淡宕間

嶺南十二
月桃花

半夜又增新白髮一官惟

賺好青山妻孥怪我忙中起覓句無端筆硯閒

東人庚戌仲夏節相福嘉勇公以安南王入

覲恭賦

四律

蘇軾詩 蘇軾詩與公同安南主人

糾縵卿雲治化隆
暉熙朝嘉會日方中
洛西禮樂推姬相
江左風流屬謝公
運洽三辰光黼黻
祥開百粵氣冲融
梯航遠達今爲盛
茅嶺何須柱立銅
古蘇軾詩 蘇軾詩與公同安南主人
英杰天生樹遠謨
宣威南朔早馳驅
鬼方不待三年克
同紇平開萬里圖
雲壓金城敲凱鏡
花飛玉壘受彤弧

乘風破浪重洋外，手掣長鯨上古都。

裘帶從容不用兵，懷柔絕徼感輸誠。三呼華祝來荒服，

重譯蠻王竝列卿。直北萬年尊寶鼎，東南半壁恃長城。

非常人立非常業，亘古鴻猷孰與京。

韋平勲績重旂常，持節天南聖化彰。島貢明珠飛綵

鷁，人來鑿齒醉蒲觴。蓬池宴賜今瑤闕，王會圖添古越

裳。三世荷恩門下吏，輸詞拜手喜觀光。

彈子磯

巉巖矗立臨深溪，槎枒草樹戟戟齊。虎豹直欲登天梯，

向日堂詩集卷九

六

紫華仙人挾飛彈，空中一擊浮雲散。石壁千尋月光燦，

簫韶隱隱鳴雲中。獅子突兀監豪雄，獅子嶺在翁源監

曲江山神睥睨如張弓，兄弟禺峯望夫石。窈窕一片涵

空碧，臨磯浩歎烟雲隔。

過大廟峽

路曲帆頻轉，春江漲淺沙。密蘆漁子艇，深竹野人家。月

吐山頭小風來，峽口斜暮雲移古廟。頃刻渡仙槎，

題欽州夏刺史照

披圖何處覓纓簪，竹杖芒屨自古今。漫道乘車翻戴笠，

不知釣譽但耕心人憐變幻風雲態我愛清冷山水音
可是巖廊同此樂一犁春雨晚烟深

追隨嶺海幸通門捧袂蘭舟席許分買醉無錢琴弄月
鳴陰有子鶴凌雲坐春風裏知眞樂立雪庭中歎異聞
吾黨他年傳勝事投香浦上續鴻文

同日寶安同人遊赤灣

策馬崎嶇石徑長碧雲紅葉暮蒼涼山中禽鳥依仙客
海底魚龍靜佛堂

佛堂門海面最闊

千載高賢誰勝會百年晴

日幾重陽臨風懷古添佳興却愛黃花晚節香

向日堂詩集

卷九

九

九日登新安礮臺

城外高臺控百蠻海天空碧蕩塵寰魚龍氣靜三秋日
烟火村連十里山紅礮雷轟巖谷應綠營風靜戍樓閒
同舟佳節乘餘興又趁斜陽過赤灣

次三水郎書川大令和張太守飛泉亭元韻

憶得篷窗向夕暉遙看古刹四山圍巖前雲氣千重秀
林外泉聲百道飛寤後紀遊求是是空中設想入非非
何當短櫂清風夜好與知心載月歸

次書川贈澄波上人韻

不見桃源再問津，萬重雲樹隔紅塵。誰從寂歷烟霞境，
一訪沉枯壘飯人。寺本飛來疑物化，話逢方外見天真。
瑤篇似取蓮花水，洗盡鉛華字字新。

哭琢薊大兄

忽地音容不可追，吳淞分手溯秋期。一官萬里空囊橐，
兩地三年繫夢思。人去牂牁春雨亂，書來粵嶺夕陽遲。
壘簾從此聲消歇，忍聽陽關玉笛吹。

敏達兼人數玉，昆髫齡風骨早高。騫十年祕省傳清譽，
六詔羣蠻服片言。薊北心傷鸞鳳侶，嶺南腸斷脊鴿原。
向日堂詩集 卷九

三

海天愁思茫烟霧，何日招魂向故園。

茉莉和姚曉園韻

炎方何處孕冰胎，嫩蕊商量細細開。白玉搔頭香不盡，
晚風亭院麗人來。
綠髻斜簪臥白雲，枕邊幽夢近湘君。小南強亦稱無敵，
附體原來卻衆芬。

羊城秋夜和蔡佇蘭孝廉韻

涼風吹破一天愁，城市山林汗漫遊。蟾吐越臺如此夜，
霜侵潘鬢不勝秋。花田香冷情空寄，鳧舄風輕意小留。

河漢微雲無點綴高懷長憶庾公樓
種花原不定河陽粵嶺聲聞客思長翡翠洲前迷下蔡
羅浮夢裏勝高唐天開奇石清泉在人去遙峯白鶴翔
聖化百年應軼古海氛秋靜肅邊疆

五斗折腰憐吾拙三時塗足喜農忙交秋水勢乘潮壯
入夜風聲挾雨狂天外高情羨鵬鷲山中長嘯憶鸞鳳
閒來什襲知何事拈韻題詩寫硬黃

一篇秋水悟南華玉貌何須粉黛遮牛渚然犀空照鬼
緱山乘鶴竟餐霞天文巧占雙星渡海舶奇分八月槎

向日堂詩集

卷九

三

浦上明珠光夜夜由來寶氣重

皇家

粵東牛女分野

題天津李仲節大令詩後

祿州西去接蓬萊夜夜光華燭上台收得驪珠三百斛
天教付與謫仙才

載酒尋梅興不孤錦囊忙煞小奚奴雄情更得江山助
靈雨春田戲鳥鳧

懷人紀事吐新詞浩氣淋漓是我師風雅自歸真性出
五倫以外更無詩

吳越清歌紀勝遊漁洋佳句舊風流如何丁字沾前夢

也似江南腸斷秋。墓險出雲屏。直疑軒蓋。離魂。寒平
攜客登樓寄短吟。數聲高調激空林。何當酒綠燈紅夜
細雨論詩愜素心。

莒州司馬莊蓬嶠餞仲節于芍芳園卽席奉贈

五羊城北秋氣清。芍芳園裏金粟盈。綵燈掩映出林際
亭中噤噤笙歌鳴。金谷銅駝朝官馬。當場何真佞何假
清風亮節真吾師。優孟衣冠爲誰寫。新妝炫服羣爭憐
或歌或哭風捲烟。傾國名花隨處有新詩。難遇李青蓮
青蓮才調古莫比。倚馬萬言瀉江水。鳴鹿初升粵嶺雲
向日堂詩集卷九

三

烹鮮已試燕山市。卽今年纔歷壯強藉。甚聲華動帝
鄉。三年廬墓松楸老。萬里雲程鵬鴟長。莒州司馬蓬瀛
客。物外風流共朝夕。紅豆新妍絕妙詞。綠衣細譜流芳
席。主賓歡洽傾玉斝。繡簾之外花冥冥。金尊銀燭依稀
見。豪竹哀絲隱約聽。觥籌交錯客未散。恩恩先到珠江
畔。忽憶驪駒一曲情。曉風殘月垂楊岸。

讀五人墓碑記

草莽何堪抗大廷。五人公憤出忠誠。生祠空著中官醜
死亂翻成下士名。古墓劍池雲氣直。殘碑花澗蘚痕平。

挑燈觀史猶餘恨多少黃沙葬俊英

和 大洲李秋田場使見贈元韻

重來滇峽對雙峯
萋爾孤城認舊封
草榻慙畱徐孺子
蘭舟喜遇郭林宗
最難花月樽前會
大好溪山雨後容
惆悵臨歧思後晤
嫩涼天氣盼相逢

和 胡澹然參軍贈郎書川大令元韻

酒酣拔劍憶王郎
瑤什傳來字字香
賢尹清樽開北海
參軍逸調逼西涼
絲衣嬌趁纖腰舞
紅友春生半面妝
珠斗宵深驚太史
琴軒應誌聚星堂

向日堂詩集

卷九

三

和 河源楊約之大令見寄元韻

僻治門迎青一鸞
故人書到頓開顏
清聲似起雲中鶴
健筆如移海上山
春暖槎江花滿縣
詩成梅閣月臨關
同舟利涉多相勗
恐在黃綢醉夢間

昔賢具經綸耕莘復釣渭
一朝施所爲展布不辭費
日星爭榮光川岳耀精氣
區區百里才折腰見郡尉
舞袖惜不長動吻慮觸諱
糜爵慙素餐包羞失良貴
幸得同舟人金蘭共臭味
三復雲霞篇惆悵我心慰

南越王廟次李勉亭茂才韻

雄圖倡霸歷千年儀像衣冠尙儼然開井旣恢嘗膽業
築臺不賜葬花田蠻夷大長如天外才辨書生自日邊
翠鳥文犀焉足貴稱臣名重漢儒篇

張林辛亥夏日與惠州參軍弟寄園同遊南山寺

循州古巖邑雲壑媚清景玉環峯繞城金帶水流影余
來未三月案牘日馳騁馬疲乏長鞭釣深羞短綆遊興
類懶禪吟情若掃屏子由昨夕來豁然發深省示我瓊
瑤篇佳句頗新穎頓興遐覽思招提愛眞境花雨諸天
空林泉萬籟靜南望越王臺西瞻葛仙井昌黎下潮陽

向日堂詩集

卷九

五

此地著秦嶺炎方雪何深今古疑信併名賢憩息地溪
山亦榮幸薄暮同徘徊宦海類蓬梗

賤題李沙圃廣文夏寒圖卽次自詠韻

天

一官能耐冷半世未趨炎夏日披圖軸寒風起筆尖雲
流冰玉案月上水晶簾渣滓捐微末塵埃絕點纖襟懷
追杜甫風骨媿崔暹不羨黃金印因隨白玉蟾情同蕉
鹿化心少絮泥沾爽氣迎新葛澄懷映素縑室虛知慮
壹人靜得思兼古竹凌高節長松比皓髯一椽居室易
半畝約身廉硯列青黃墨書排甲乙籤彈琴知志遠倚

樹覺神恬溽暑曦陽滅輕涼細雨添鼎烹名豈慕井冽
象宜占焦思消中熱機心去內銛在陰欣鶴和得桷喜
鴻漸拜石畱高座呼禽繞畫檐錦囊多李賀絲筆勝江
淹聖世徵耆宿青氈豈久潛

舟中七夕

七月七日龍江行火雲烈日如沸羹篷窗洞開待風至
青山碧樹多遙情晚涼生處纖月皎河漢沉沉夜悄悄
良日人間未易逢佳期天上誰能曉曝衣曬腹志不同
乞巧穿鍼兒女工富貴聰明若操券但須一語來空中
向日堂詩集卷九

圭

子晉吹笙控鶴馭安公又騎赤龍去乘槎欲訪三神仙
海國茫茫在何處

巖下偶成

巖下風光似若耶四山環繞野人家白雲樓閣藏深樹
明月池塘映淺沙怪石千尋蹲虎豹澄江九曲走龍蛇
畱傳勝境欽前輩盛尹曾從邑乘誇

七夕次張庭紫茂才韻

七襄終日報難成誰道天孫錦合并巧思似隨織月見
離愁偏向晚風生橋傳駕鵲誰窺影石與支機孰辨名

今古模糊空外想微雲河漢不勝情夏雨兼霖

舟中再用張庭紫韻

炎方獲早慶西成佳節蘭舟逸興并新月半鉤秋影淡

澄江一碧晚涼生人間競說雙星會天上焉知七夕名

獻果穿鍼漫多事從來兒女有餘情

舟中與楊約之大令李勉亭暨寄園弟聯句

東江天氣青秋與詩人會畫舸繞雲山

集冠蓋開樽綠蟻浮入饌紅鱗談笑愜性情

坦率脫襟帶好風送遠帆斜日下淺瀨懷古紀

向日堂詩集卷九

循州矢歌動天籟聲教啟韓蘇文章陋曹鄣

論史驚鬼神談經晰著蔡沉硯俯清流投香

挹芳靄合浦還明珠皮島貢綺貝花田選勝多

山蛋女尋芳最駕空蜃樓奇藏富海舶大雄風昔

盛強餘澤猶沾丐今古一舟中親朋五嶺外

星聚泯參商蘭言別蕭艾時逢八月臨義占

麗澤兌攀翼知鴻軒和聲叶鳳翽更逢嘉客來

無以故交泰玉石期有成冰淵慎無害宦途貴

爭先市道久裁汰春雲換貂衣夏雨集溝澮標榜

黜虛淫約之磨礪是倚賴萍聚能幾何寄園離別其可

奈彷彿占蘭亭小山勝事合園繪勉亭

次胥圖太守和侯葦田司馬八月梅花韻

官閣新涼紀歲華多情畢竟屬詩家文心一點通天地

幻出西風頃刻花蘇長寒食初晴人醉南樓對

昔年曾向秣陵遊桃葉湖邊訪莫愁綠綺聲希三弄後

一庭香雪不知秋蘇長寒食初晴人醉南樓對

未許霜禽眼暗窺美人消息莫嫌遲空傳庾嶺春來早

不及江南寄一枝蘇長寒食初晴人醉南樓對

向日堂詩集卷九

畫舫清秋逸興遙談詩佳客夜相邀何當同赴孤山約

剛聽錢塘八月潮蘇長寒食初晴人醉南樓對

自是仙姿毓閩蓬舒華不與衆芳同百花頭上尤先發

超出尋常廿四風蘇長寒食初晴人醉南樓對

逸情高與碧雲期想見巡檐索句時夢入淮南叢桂裏

暗香疏影竟誰爲蘇長寒食初晴人醉南樓對

枯枝消瘦太空疏况復寒霜剝蝕餘憑仗陽春翻舊譜

吹開明月照新書蘇長寒食初晴人醉南樓對

柳城舟次與勉亭寄園話舊

仙侶同舟泛碧溪
數聲風笛畫樓西
雄談客坐驚捫蝨
薄宦山城笑割雞
詩眼共投秋樹老
征帆遙挂暮雲齊
新禾競說豐年瑞
還向郊原聽笑啼

哭五女端姑

使學與歸于林筆文畢照新姑

蕙心蘭質最堪憐
伴母嬌雛十七年
月冷空堂人不見
夜深無復辨琴絃

臨池閣作

幼侍萱幃最保持
攜來海國竟何之
游魂若渡吳松水
應向泉臺覓大慈

冬日重讀胥園塞外集

多刻臺天山未出千平

向日堂詩集

卷九

天

匹馬重關去復來
高歌直上李陵臺
天山未化千年雪
瀚海初驚六月雷
邊麥盡沾王氣秀
塞花齊爲使君開
陽春有脚傳新調
官閣剛逢庾嶺梅

和東屏學使過藍關作

粵秦爭勝蹟祇爲昔賢經
懷古堪頭白傳疑在汗青
荒祠依石壁老樹陰郵亭辨
誤千秋筆文犀照海溟

壬子季夏悼亡

向波風樓笑細

槐庭少女舊家風
彤管青絲備婦工
自嫁黔婁三十載
更無一日得充融

不信芳顏隔萬重。昨宵言笑竟無蹤。眼前親友仍依舊。
相對偏疑夢裏逢。

涼秋靜夜對銀釭。幽竹聲聲透綺窗。輪卻畫堂梁上燕。
西風歸去影雙雙。

帖。肥。峯。頽。棗。萼。萎。祇。餘。連。理。又。摧。枝。百。年。從。此。心。無。著。
苦。亦。悲。兮。樂。亦。悲。

相守琴堂心事違。清貧不減卧牛衣。一雙跳脫渾無賴。
長向豪門典內飛。

會記深宵伴讀書。機聲軋軋夜窗虛。送卿瘴雨蠻烟地。
向日堂詩集卷九

无

悔不當年守做廬。

謝傳庭中掌上珠。親操井臼理庖厨。可憐力盡持中饋。
消瘦形骸剩槁枯。

浮雲漠漠草萋萋。雷水婁江夢欲迷。卻怪無情窗外鳥。
曉來偏向耳邊啼。

情深姻婭帳和諧。離索分襟每善懷。慘絕珠江兄氏女。
明朝猶寄鳳頭鞋。

閒庭小步記徘徊。芳卉盈堦手自栽。滿院秋光人去後。
好花今卻爲誰開。

倩託良工爲寫眞。月明何處喚靈神。人言有福夫前死，始信儂原薄福人。

忽覺形神一半分。乍眠乍起等浮雲。晚來入定維摩榻，從此荀香不用薰。

藥鐺終歲不嫌煩。繡佛堂中話病源。此疾會須離汝去，而今驗後悟眞言。

丁年同別泖湖灘。紅蓼花明共倚欄。莫聽江南楊柳曲，斷腸回首笛聲殘。

生死無端判兩間。陰陽今隔萬重山。天涯海角無人到，向日堂詩集

卷九

只恐臨風自往還。

錦瑟誰彈五十絃。返魂香到是何年。已過三五良宵後，那許人間月再圓。

辛苦銜雛口舌焦。那堪風雨室漂搖。空牀午夜驚殘夢，猶聽癡兒喚母嬌。

喚雨呼晴共結茅。室家未立已輕拋。亦知卿最傷心事，不見鳴鳩向鵲巢。

斷織和丸志願高。義方佐教任劬勞。白雲望斷京華地，夢逐長江萬頃濤。

一門鍾郝共冲和七載睽違離恨多海國秋風驚雁足
遙知珠淚濕雲羅

趙北江南憶女娃盤匱盥櫛學柔嘉洛鐘聲動金閨夢
哭向西風天一涯

珠樹金昆友愛長繡衣風度重雲鄉蘭衰芝謝詩誰寄
左氏愁添兩髻霜

延陵渤海兩瓊瑛離索分居無限情總帳已空逢百日
添籌猶自寄瑤觥

兒子聲華噪謝庭鳳池染翰御爐馨病中相望來東
向日堂詩集

卷九

三

粵未聽仙槎捧使星

孺人胞姪荔亭編
修是秋典試楚北

閩中慈惠夙聲稱僕御無依涕不勝臧獲雖愚知感德
共祈仙馭早飛昇

薪水當年我不憂拔釵沽酒客常留而今風雨雞鳴候
併作瀟瀟一片愁

雷江川上動哀吟一日霜從兩髻侵人世不諧偕老願
深知辜負百年心

邱首如何幽恨含遊魂應自望江南佳城未卜因緣地
暫向蓮池徬佛龕

花影參差月半簾夜深玉漏共愁添拂箋寫出傷心句
未盡相思到筆尖

寫就新詩淚滿衫何人與我別酸鹹海天愁思茫烟霧
未見長風挂片帆

書悼亡詩後

壁立家連釜缶空一官匏繫海天東閒庭何處添愁思
只在瀟瀟暮雨中

夢裏分明見玉容醒來人去杳無蹤宵深一枕傷心淚
流到天明濕更濃

向日堂詩集

卷九

三

江南輾轉共安危海國無端失唱隨二十年前曾夢句
秋風秋雨苦相思

每逢勝景且盤桓談笑良朋亦暫歡舊事商量人不見
陡然回首覺形單

碧雲如水晚風涼猶憶閒情淺淡妝客去酒闌歸寢去
渾疑人尙在蘭房

新詩吟罷喜眈聽誰道深閨眼獨青記得繡囊曾寫句
青山紅樹夕陽亭

搔首悲歌欲問天這回真假是何緣亦知人世須臾事

焉得無情度百年

山行口占

山盡溪迴路不窮
白雲黃葉間丹楓
分明一幅倪迂畫
多少行人在畫中

向日堂詩集

卷九

三

卷九終

姪希敬校字

向日堂詩集卷十

乾隆癸丑至嘉慶壬午

寧縣

海寧陳

寅心田

古今體詩

癸丑夏日遊小金山次省之和尙韻

鐵甕江頭訪洞天
山門玉帶尙依然
炎方偏證前身果
片石還畱一指禪
南海湖迴浮曉日
西樵山近湧飛泉
何當皓月清風夜
閒與高僧泊畫船

朝雲墓次江魯齋

幻影飛來野寺春
豐湖長映鏡中人
千年玉局悲前事
向日堂詩集

卷十

一

一樹梨花悟夙因
不向陽臺尋夢遠
每從南浦悵波新
羅浮山近參橫月
翠羽啾啾是舊隣

鶴峯高臥幾曾醒
不合時宜眼孰青
松露禪牀甘寂寞
竹風茶竈愛清冷
苗錢役法閨中歎
水調行歌月下聽
巾幗衣冠同俠氣
斷雲不共兩絲零

韓旭亭表舅昨歲與予同有悼亡之戚用朝雲墓

古今韻見贈再疊前韻奉答

楚客魂消異域春
言愁偏待素心人
相逢畢竟前生事
長別渾如隔世因
萬里鄉關官興淺
一編詩卷淚痕新

豐湖亦有名人蹟安得青山買德隣

卅年同夢一朝醒曲罷遙峯江上青永夜伴吟風料峭
終朝如訴雨淋漓雙飛玉蝶花前妬三下銅壺枕上聽
參透六如真慧業雪泥鴻爪任飄零

旭亭疊韻見慰四疊原韻奉答
童稚追歡十載春趨隅今作繡衣人九垓士重荊州識
一瓣香生世外因琴變七絃心共苦歌翻三疊調逾新
芙蓉初日頻相照不羨餘光借富隣

吟篇如喚醉初醒長者矜憐眼獨青夢隔雲山思渺渺
向日堂詩集 卷十 二

詩諧金石韻洽洽風標有項逢人說擔石無揚莫我聽
大地陽和均煦育可容蕞莢歎奇零

題韓母顧恭人行畧後卽贈旭亭
清心玉映舊家風脩潔蘋蘩佐魏公下已不欺幽冥內
澤枯常在駕言中藥鑑終事酬親德并曰親操備婦功
節儉共欽遺範在內堂雍肅靜簾櫳

慈教和九助錦幃東風次第報春暉同心祿養封官鮓
舉案平反舞繡衣仙館夢驚銅嶺墮高車心痛白雲飛
遺言峻潔殊非福此語深疑洩化機

翠柏無端霜雪凌悲歌士女淚成冰星沉合浦空珠市
月落高涼散綵燈奉倩風流香欲滅子荆詩句思彌增
趨隅范甯偏同戚三復哀詞意不勝

蘇音九日同人登浴日亭用東坡元韻

登臨喜遇暮秋天翠嶺紅亭碧水灣客憶舟中逢九日
人疑海上見三山稻梁被野新豐歲萸菊傷心舊醉顏
佳景眼前誰道得驪珠不在齒牙間

前題次李樹樟茂才韻

嶺上亭高倚碧天帆檣斜帶白雲灣海中波湧紅黃日

向日堂詩集

卷十

三

檻外光分大小山異域懷人空極目佳辰攜客且開顏
殘碑拂拭坡公句逸興豪情俯仰間

卦是謁南海神廟次德定圃宗伯銅鼓歌韻

南溟一碧茫無方四瀆之長典煌煌巨鼇駕山日星動
鱷魚鼓浪雷霆當春秋祭告溯隆古素女彈瑟馮夷舞
綸音北至咸懷柔槎使東來聿鎮撫 聖德所被不揚
波海隅日出神人和稻禾被野民氣樂縣官不用勤催
科巍峩殿宇肅古廟神威夙昔自炳耀漢鼓銅雷大小
鳴宋碑石立文明照肅肅靈風列軍器隱約空中樹赤

幟正直能扶大吏功聰明時黜將軍智我來瞻拜逢秋
期山梁噉噉鳴雉雌上讀宸章報神德淋漓五色蟠
龍螭南越趙氏啟文物陸賈書生重提拂朝廷軫念
邊疆民特於神祠賜綸綍祀使前後佳句傳壁間絡
繹琳瑯篇吁嗟髯翁氣豪邁臨風懷古思悠然誰是有
心抱關士壇廟興衰胥入紀異詞聞見補新編往蹟流
傳證舊史聖世澄清天下家斗量蠡測毋爭誇試從
浴日亭中一登眺長空萬里無藏遮

長樂東齋臥梅一株載在邑乘同人分賦

向日堂詩集

卷十

四

老幹新花倚石攀官齋梅古態幽閒枝橫池水蒼茫際
夢到梨雲落莫間紙帳人空憐夜月瑤林客臥羨深山
黃網被裏難眠穩索笑因君一破顏

謝及門文思孝廉餽香梨

洛陽大谷產靈株玉質金相體態殊人喜嚼霜生爽氣
天教鍊雪作香酥居然百果推宗主不羨千頭富木奴
酒渴宵深情不盡清風皓月足歡娛

長樂謝烈女

執手殷勤死別哀同衾同穴意難回一絲雲髮通幽信

七日冰心證夜臺嵩嶺山高情不盡清溪波淨影空來
芳名邑乘令猶在三復遺編數舉杯

夢游六綠亭

余於冬日龍村舟中夢至一境有亭焉額曰六
綠洞天白石清泉名花疏竹几窗瀟灑筆硯精
良遂題詩以贈主人覺而思之僅記二句因續

成之

塵埃無處把高華仙境何年點碧沙六綠亭中觀不盡
淡雲疏雨望天涯

向日堂詩集

卷十

五

雜興五首

萬物錫以名伊誰所勅始物分名亦繁踵事增華美命
名人已非被名物猶是迢迢今古人一名遂不死吁嗟
庸碌才不如一物耳

嘉禾亦庶草其子功何神古聖辨良種千秋粒蒸民盤
餐列甘旨充飢弗能負睠焉求菽粟衆味無與倫
舊衣常稱身習久不忍弃新衣時耀人防汚每畱意新
舊同一衣目覩情斯異安得澹宕懷服御兩無忌

肆筵集賓朋佳氣生戶牖開樽宥心胸雄談戲儕偶此

室我生前昔賢曾飲酒時移人更非安知百年後千載
此一時爾我欣聚首母爲苦營求勸君酌大斗

城隍吠檻縷鄉犬嗥衣冠物各有所習非關勢與權蠅
市成於朝蚊市成於暮物各有其時營營何不悟

春風黃牡丹用黎美周元韻

捧日人來賜吉祥春風披拂見花王綠衣難壓無雙豔
金榜初開第一香富貴丰儀矜正色文明標格認中央
紛紛紅紫齊居下五采雲呈拱御裳

自題春行圖

向日堂詩集 卷十

六

不畫梅花不畫松春田靈雨吏胥從似憂似喜神難定
俗吏何妨爲俗容

龍川道中

龍江重到日斜暉惆悵前情事已非一路濃香吹不斷
春風開遍野薔薇

詠史

妖星夜現金蟬起祕記之言符太史天生女主布局新
如信王者真不死醉骨慘逾人竊窺摘瓜凶倍鳩醪使
逼人鬼伯著烙刑告密奸邪受銅匭墨勅斜封捷徑殊

鸞臺鳳閣官名美梁公一代稱奇才不激不隨山嶽時
正直能除花月妖聰明却稱神姦旨當時天下竟誰家
旋轉乾坤返正始更有高人巾幗中不事雌王惜一子
砥柱中流何等賢片言尙被金閨恥矧彼紫衣不了僧
罵名昭代焉足比冰山落落趨炎蠅焉得臣門如市臣
心水嗟伊兌女見金夫援繫往來胡不喜君不見神功
永樂兩奇人狄家姨姚威姊

十四 惠湖觀察署內白蓮盛開有竝蒂者胥圍觀察命

余賦之

向日堂詩集

卷十

七

太華之峯高崑崙玉井遠與瀛州通爾來昌黎賦後一
千四百載天南幻出雙芙蓉紫華仙人披繡衣綠波翠
蓋張雲旗直從天上雪窖掇嘉種佛土移來連理枝同
心蓮花竝根藕臭味不讓金蘭友亭亭淨植出汗泥君
子之交是嘉偶唐茆雙頭紀牡丹一時佳句推上官爭
如儉府池中見佳麗別有風流名合歡吳姬越女披綺
縠蘭橈畫槳香風逐飛來翡翠呈雙雙睡去鴛鴦數六
六一花世界一葉如來重關複壁疊嶂層臺蓮子心心
結蓮房面面開自非寂寞東林社知是清華憲府栽

束髮攻書笑蠹蟲金烏玉兔任西東烟迷春水波纔綠
霜染秋林葉又紅滿眼江山千古後半生魂夢五倫中
蛇神牛鬼俱經遍誰信文章有化工
碧樹千重水萬重懷思直上最高峯梨雲莫漫尋蕉鹿
霖雨終難望畫龍天使與蘭才女幸月娥乘傳吉人逢
早知得失蒼蒼定且對春江綠酒濃

黃河九曲瀉長江浩氣雄心未肯降豈有佳人稱獨絕
焉知國士竟無雙山開峭壁空三面月照高樓啟四窗
向日堂詩集 卷十 八

清夜聲聲春自在試聽百八曉鐘撞
茫茫今古費長思我是誰人我不知獻策每慚金鑑錄
報恩長愧蓼莪詩海中魚沫添波細林際鳥鳴反哺遲
草木欣欣均雨露微材何以答 清時

鏡中人去影依稀舊事傷心夢境微萼綠華空餘跳脫
杜蘭香散剩羅衣萍翻急雨魚知樂林激狂風鳥倦飛
一曲冰絃無限恨珊瑚仙骨是耶非

海天烟霧渺愁予忽憶連枝歎索居春草池塘空有夢
秋風鴻雁不成書藤花簾隔香塵杳水竹窗殘月影虛

杜老哀歌懷弟妹一腔涕泗十年餘
壁立家多庚癸呼治生常被鬼挪揄衡文不信青錢有
問字誰知擔石無大地黃金牛喘月長天碧水雁銜蘆
頭童齒豁緣何事羨煞高陽舊酒徒
一片青山路不齊平原高處望多迷蠅頭空自堆雲案
鴻爪何妨點雪泥探穴無心金窟遠捫天有路玉繩低
乘槎如得秋風便吾力猶窮弱水西

衙報喧喧早暮排官閒猶自坐書齋夢魂帷帳三生蝶
鼓吹池塘兩部蛙桐影靜隨明月度荷香清送晚風偕

向日堂詩集

卷十

九

玉壺冰在紅爐境雲水心情到處佳
文章佳境白雲開到處風光漾玉臺一水方圓隨地合
萬花香色自空來心遊學海無窮岸力盡書田有劫灰
美景當前忙裏過錦囊誰是挾天才
一番舊事一番新夢裏分明認假真鐵硯磨穿千古淚
蠶絲抽盡百年身驂騑老去心猶壯兕虎羈來氣亦馴
得失自爭天所賦同儕何處問酸辛
胸次常懷大雅羣握蘭搗菹佐幽芬輕清韻似臨臬鶴
澹宕心如出岫雲賦筆欲爭江學士詩情偏愛杜司勳

飄然別具凌霄志
五色花飛錦繡紋
随心勝境滌襟煩
閉戶橫開獨樂園
楊柳春風東灞岸
桃花流水武陵源
禪機有悟真惟笑
造化無私妙不言
車馬塵囂何處是
耳邊時聽海濤喧
孤矢生無行路難
一肩行李憶形單
樓臺暮雨青山黑
禾黍秋風古道寒
旅店雞聲驚夜宿
前途馬足計朝餐
浮雲游子征塵老
不及漁樵枕上安
怡情何處最幽閒
竹屋松窗俯仰間
開卷喜逢千載友
閉門疑入萬重山
生花有筆非爲怪
拜石無心豈好頑
向日堂詩集

卷十

十

小鳥何知棲樹穩
隔林猶自語綿蠻
靜坐深思一粲然
清貧不賣是心田
老醫善配君臣藥
良賈精通子母錢
金屋風光春似海
玉京消息夜如年
雲衢騰達原非易
未及鴻毛到日邊
最愛東園結綺寮
高人乘興舉杯邀
巧開岩壑非山賊
小築亭臺豈木妖
微雨輕烟紅蓼岸
曉風殘月綠楊橋
良朋何日重攜手
同聽春江碧玉簫
浮萍蹤迹本輕拋
至性真誠莫解嘲
苦海有心茶作薺
愛河無底漆投膠
彈琴牀冷嗟亡弟
掛劍松寒認死交

更有感恩途上哭謝公華屋白楊郊
不局方隅志自高每從青史步英豪
戴盆天亦齊蓬笠抱甕人難悟
桔槔優孟衣冠如畫虎
匠般梁棟莫教獠光風霽月淵淵度
上下千秋笑爾曹

錦繡乾坤一大羅忙閒歲月總消磨
室如懸磬惟貧耳家有千鐘奈老何
招怨小中懷怨易受恩深處負恩多
側身天地情無限醉向同羣發浩歌

夢到瑤臺見紫華煦噓呼吸服烟霞
壺中日月知何代洞裏乾坤別有家
白石清泉幽徑路蒼松翠竹碧桃花

向日堂詩集

卷十

七

三山縹緲人難到望美心勞天一涯
月圓月缺事茫茫悵望千秋一斷腸
精衛鳥難填恨海石尤風不掃離鄉
補天無術傳媧氏縮地何人繼長房
多少英雄嗟數定唾壺擊處引杯長

世事如棋勢必爭先人一著任縱橫
風迴大海魚龍立雲駛空山草木行
虎帳兵精浮劍氣鸞旂合肅聽雷聲
繁華代謝乘權貴青史閒看總不平

勝會浮生幾度經閒思往事夢難醒
親知面隔依稀遇絃管聲遙隱約聽
春草綠迷新舊路夕陽紅送短長亭

樽前回首歡娛地對酒懷人一涕零
物外閒逢竹院僧真如妙諦澈壺冰布金自入無遮會
飛錫誰參最上乘法雨香消三昧火蓮臺光燦九華燈
談經願設迷津筏只恐點頭石未能
會乘舴艋騁驪薊北江南汗漫遊數點梅花逗孤嶼
二分明月夢揚州書珍玉局新詩卷人憶金陵舊酒樓
同學少年頭白盡卻從他日紀風流

執轡常窺志念深虛懷能抑氣千尋辱身袴下封侯度
納履橋邊命世心白雪陽春遵古調高山流水待知音
向日堂詩集 卷十

三

剛方厯盡冰霜劫繞指還同百鍊金
細嘗攬若有回甘莫辱終身忍一慙煩惱樹原非惡境
可憐蟲乃是奇男平爭只用拈花笑說上何妨捫蝨談
淡泊自饒清靜福炎涼世味我曾諳

飄零鳧舄久遲淹借箸閒曹吏隱兼懸鏡未能魚戲沼
彈琴無事鳥窺簾快清積案陳陳粟喜譜新詞昔昔鹽
多謝羊城諸好友音傳空谷寄郵籤

微吟希古別酸醜分得餘膏小署銜响嘍洞天探玉笈
娜嬛福地識金函言無傷物方爲美思必超人自不凡

利濟何時酬宿願長風萬里一輕帆

對酌乙卯清明送客

五羊城外出郊垌送客東風倒玉瓶寒食平原新舊鬼
夕陽芳草短長亭人逢春暮頭堪白士到窮途眼孰青
知己分攜須盡醉世間聚散等浮萍

食鮮魚

西風吹微波曉霧暗疏柳漁舟網初開鮮鯿躍新畱征
帆次第落爭買佐嘉酒金鱗耀冰盤玉質飛磁缶書言
我所欲其物斯爲美嗟彼衆生中爾罪一何有非比諸
向日堂詩集

卷十

三

雞豚待人蓄而阜終朝吸空淵有時茹草藪爾樂我不
知我樂爾已剖寄言烹鮮人慎勿貪適口

西風翁源十六景

源深端結此山奇淺窄焉能積大池五色彰來花並豔
八方流出井難窺拋珠雨後荀龍戰噴玉峯前穆駿馳
聞說曹溪甘美甚何如此際酌瓊卮

翁山八泉

清溪斜抱白雲迴百折灘頭一溯洞漁父生涯無限好
桃源蹊徑不輕開半篙新漲通蘭棹幾曲寒流漾石苔
多少游魚知樂否愛他臨釣首重回

漁溪百折

輕舟古岸渡相連來往橫流舊有年南浦春深迷碧草
東風日暮漾清漣渡頭落月詩中鏡江口斜陽畫裏船
何必伊人問秋水扁舟乘興訪名賢

橫江春渡

烟消晴日見遙天縹緲芙蓉在眼前翠嶺東來松更秀
白雲深處境皆仙尋梅踏遍芒屨破臥雪寒餘俗慮捐
試上高峯憑眺遠浴鳧飛鷺滿平川

鵬嶺晴雲

石門高聳接層霄山路巉巖線一條逕繞羊腸分蜀道
泉飛龍甲動春潮雲霞絕巘天疑近風雨危崖地欲搖
莫歎肩輿行倦甚僕夫况瘁已終朝

羊逕岑濤

向日堂詩集

卷十

古

層巖曉霧掩晴暉莫道閒遊逸興違雲鎖千林春樹暗
烟迷九嶺遠山微瀟瀟暮雨雞聲杳漠漠空山草色肥
佳境自饒清絕境不妨樵牧往來稀

雞籠烟雨

博陵高士擅才名曾向嬋媛探粹精一代文章同石立
千秋堂廡仰風清思通雲漢支機遇筆補天工異彩生
亭館依然畱勝蹟猶能照夜鬼神驚

書堂古石

風催花信已衝寒霜冷雲林木葉乾古洞幽香山寂寂
小溪疏影樹欒欒輸他大庾春來早笑爾羅浮約踐難
回首西湖懷處士故園未得一枝安

梅洞尋幽

崔嵬壁接空蒼人說三華智慮長雉堞一時成保障
雄心千載露光芒殞宮黃鳥哀秦士客館頽垣畏鄭良
兄弟干城眞勝事百年故壘尙流芳

三華雄堞

耽居不使曉猿驚石上清流好濯纓誰與平泉爭一片
好從天竺話三生花開古樹逢前哲蘚蝕殘碑失舊名
我亦幽懷閒漱齒冷泠清入讀書聲

乳石名碑

狡狴蹲處阜平寬萬笏朝尊縱大觀羊逕無聲應懾伏
猿巖有淚怕摧殘風雷過嶺雙雄吼日月銜山兩跳丸
我亦夢中騎五色丹青并入畫圖看

獅嶺奇觀

向日堂詩集

卷十

七

明珠藏在九重淵誰識驪龍水底眠噓氣自開風雨路
燭光應射斗牛躔鍾靈古洞曾無夜養性空潭不計年
峯口閒雲來往處行人指點幾流傳

峯口龍潭

紺宇楓林映遠空渾疑捧日瑞雲紅無邊秋色千山外
入定禪心萬木中掃葉庭前延竹月彈琴石上引松風
何當月白風清夜一幅新詩寄遠公

楓林禪室

會於清夜見飛仙隱約紅藤遠夢邊借得蘿陰遮樹密
分開月影作星聯簾中花影珠千串鏡裏蟾光壁四懸
最好太平禪寺外一灣流水聽潺湲

太平蘿月

花開詹氏室鋪銀白雪無端照暮春何處源頭涿活水
誰家院裏絕纖塵夢回漠漠雲千疊香浸溶溶月半輪
猶見玉崑槍法好東風亂舞妙如神

篔簹源梨雪

白石磷磷近客亭靜中相對覺神醒晶瑩幾處僧窺壁
光澤何年夜落星卻似有言酬縣尹可能無句慰山靈
何人學得初平法叱起羣羊拱立聽

白面石巖

丙辰上元詠懷

佳辰絃管奏鈞天南土家家送粉圓燈月光輝上元夜
江山綺麗太平年羊腸已信無開徑馬腹終慚不及鞭
向日堂詩集

卷十

六

醉後狂歌驚太乙人閒繭卜豈徒然

菜花

繁英占遍好春光搖曳東風耀夕陽新麥田中千畝豔
碧桃溪外半村黃接天雲擁仙臺色布地金生佛國香
莫道靈根甘淡泊自舒錦繡煥文章

春暮舟中

于役偵江畔中流擊楫忙懷人嗟遠道弔古對斜陽水
急風無力花深月有香隔溪山色好疑是渡錢塘

歸櫂

歸櫂碧溪東蒲帆趁好風樹移濃淡綠雲送淺深紅花
鳥春光裏樓臺夕照中遙山層疊處仙路也疑通
且靈樂昌道中聞與宮王字天賦斷雲實錄
于役三瀧水孤舟無限情溪從灘背穩山向嶺頭平烟
雨迷嘉樹樓臺繞碧城臨風懷破鏡殘月半規明
贈樂昌尉方橙浦且嘗飲黍香金
見說君來十八年先余兩載到南天雞豚肯爲同鄉說
婦孺皆知少府賢瀧水風波談險阻靈江官舍住神仙
青雲夙望逢新雨一醉應拚泛酒船

向日堂詩集

卷十

七

青盡午日邀彭東郊吳植庭兩廣文遊碧落洞分得七
賦蘇漢言古節字韻水風
我從宦遊向東越英州五度天中節昔年知好歡重逢
聊借蒲觴話離別從俗且嘗角黍香斷金隨浴蘭湯潔
珍重佳時尋舊游殷勤勝地幕前哲滇陽峽畔峩峩峩
皋口太尉勢截窠別有縹緲凌青霄豁然虛明覩丹穴
巨靈手劈混沌開瓊宮玉宇天漏泄雲霞繚繞蛟龍盤
是何精氣所蘊結鍾乳滴瀝空山空一道清泉鏡瑩澈
每看石壁懷昔賢殘碑剝落字漫滅我疑步虛登天庭

客非襪襪觸炎熱爲君一傾琥珀觴弔古茫茫漫陳說
一忠一孝竝千古屈子曹娥兩奇絕如何殃咎叢善人
叫天閭闔泣碧血奸淫纍纍席豐青史每看目眦裂
客且平心聽我言此恨悠悠試一雪屈伸有數生混元
賢聖英豪莫區別洙泗失位陋巷天麥城傾陷朱仙掣
千秋俎豆死亦生勿以成敗定優劣洪鈞已定勢莫違
志士守常意念決卽看此日名流生蓋世功名類一轍
孟嘗義足常豪華鎮惡名終大闕閱輜輶天女佑吉人
富貴壽考若券鐵君子信理不信數福善禍淫鬼神設

向日堂詩集

卷十

六

豈煩續命自安分不須益智惟守拙安得佳扇生清風
雄談揮塵霏玉屑安得寶鑑臨江心水族分明辨魚鱉
我客聞之意洒然仰見碧落衆心悅

南海何德廣盜首也徒黨千人數年未獲吳蠡濤

廉訪爲廣州觀察時決意誅之民藉以安爲賦

其事

五羊城南近溟渤龍江珠江渺水窟蝦筍舫賊闚商賈
掬貨戕人每出沒羣兇嘯聚日漸多公然持械拒吏卒
巨窩得志虎負嵎力微縣尹不敢發蠡濤觀察志澄波

聞之曳履提金戈口額大憲請發旅爲虺不摧蛇若何
養癰貽患自古戒怒氣直欲吞洪河吁嗟乎丈夫手提
貌貅二十萬且從大海擒蛟鼉矧茲區區爾么麼紅旗
繡甲聲如雷靈螭黑魍紛喧逐指點鯨鯢在掌握身所
未到心先裁一朝萑苻盡束縛聲色不動殲渠魁功成
力推二三子尙書入告天顏喜擔爵酬庸盈狄門衆
心咸服眞刺史

贈星士許文通

大冶陶物成萬形法輪迅轉無流停妍媸堅脆任所受

向日堂詩集

卷十

五

惟有人爲萬物靈靈奇自昔由天付世人那得知其故
生初一定無轉移否泰居然莫逃數談數星官窺化工
炫人風鑑聲相同指點年庚判修短揣摩面背分窮通
旌陽徵君之苗裔神仙風骨辨而慧不從三教營精心
直向五行探真諦志趣高超發論精勿爲飾說歡逢迎
鳳鸞燕雀天然別不道興衰道性情禍福無門人自召
榮枯未必皆前料刻舟求劍心茫茫志士恐爲造物笑
叔服九方善相人虛中一行術通神如何周室唐家日
多少名賢莫問津江河無限談天口慣向庸愚說休咎

安得笑談一空諸吁嗟許子真吾友

送朱石君中丞之安徽任卽步奉廷寄

皇上恩命來京將授爲大學士元韻

恩命遙從萬里傳黃麻未下意來宣攀轅蒼赤皆懷德
賜紱元黃特選賢謙在公孤班序後知深婦孺姓名先
丹心納牖終無咎報主忠臣輔體乾
恬淡襟期耐顯榮似非經意歷公卿一心直欲通三教
萬卷強於擁百城行滿天眞方有度躬膺人爵早無驚
蒼生有願隨因付不爲身家慣自營

向日堂詩集

卷十

辛

粵東江左屢移官王事辛勤不及餐性定風雲皆入
妙心夷道路豈知難三言不朽先徵德五事行仁次重
寬僚屬見來無別語政成惟在庶民安
堅白由來玉不緇區區惟有聖君知謀資邦國雷侯
箸學貫天人董子帷碧海黃山齊有幸春風秋月兩無
私抱關末吏趨隅日歌頌難名下里詞

次朱中丞重過峽山寺韻

勞勞抱關吏懸旌心搖搖忽入靜幽境又見山岩巖古
樹鬱丹翠泉響鳴笙簫其中見紺宇停盼容迴杓孟冬

天氣冽西風落寒潮沙明水深碧長空氣清寥雲中雙
帝子蹁躑長組飄澄波盪雙峽薄暮風勢驕美人渺天
外目望舟已遙睠然念公德俯仰懷中宵三復峽山篇
悠然塵境超

中丞舟過英德蒙贈詩篇次韻奉答

純儒膺岳牧問吏喜循良百粵恩深厚三年課就將魏
公儲鼎鉉米尉滯洽涯寵沐瑤章錫書紳佩敬莊

丙辰九日偕東郊植庭兩廣文暨同人遊西廟登

高分韻 得重字

向日堂詩集 卷十

三

風雨無端繞碧峯我來佳節恰相逢花間絕巘香何處
人上名山路幾重黃葉樽前秋色遠碧蘿村外暮烟濃
于郊自有同人樂千古登臨感舊蹤

前題次楊參庭秀才韻

底事佳辰在異方笑余雙峽守滇陽十年塵吏逢今雨
一路秋林散古香探菊心閒拋玉案題餽句美勝瓊漿
蛾眉岡下泉清冽願與諸君一漱芳

途中見玉蝶梅

亂山叢裏見明粧古樹橫斜倚短墻蝴蝶飛來疑入夢

瓊瑤對此愧無香，相思似我憐方久。不意逢君喜欲狂。
大庾嶺頭開到未，一枝消息寄何方。

峽山寺

古寺層岩上飛來，不計年樹生溪畔。秀山向峽中圓完。
玉猿歸洞浮金鯉，躍淵首陽高隱外。更有弟兄賢。

二禺峽相

傳爲軒轅二帝子同隱處

讀書臺

一編兄弟共高臺，綠樹蒼崖映碧苔。卦自先天初畫出，
書從何地借看來。鴻蒙未向蠻人問，聲教應由帝子開。
向日堂詩集

卷十

三

富貴不如吟嘯樂，端宜軒冕視塵埃。

舟過清遠峽晚晴

出峽舟行暮晴光，逗遠林短長。塵世夢真幻，衆人心雲。
散風初定山，高水自深回。頭孤寺杳，清磬有餘音。

臥仙巖

黑甜鄉裏靜降魔，千載仙風憶曲阿。枕上乾坤消息大，
石中天地祕文多。夢長夢短皆如是，先覺先知可若何。
我亦幽懷巖下立，一林春月掛藤蘿。

歸猿洞

割斷恩私一瞬間飄然直上翠雲巖情緣未畢應隨俗
道性仍明頓脫凡還我本來眞面目謝他裝點舊衣衫
殷勤寄語我冠客莫戀癡迷孽海賊

飛來殿

名山勝景邁隋唐殿忽飛來是那方地向空虛成佛界
天教靈異闢炎荒山中林靜鐘聲遠檻外泉流梵語長
坐看踟躕雲際鶴更無牽滯自翱翔

犀牛潭

粵海烟波咫尺迷神牛一躍渺前溪秦人自失蟠龍窟
向日堂詩集 卷十 三
晉使何勞照水犀萬里寶裝歸佛國千年金鎖出淤泥
阿誰養性空潭上物我無私手自攜

半雲亭

孤亭遙聳翠微宮纔上山腰竹霧籠滿徑松雲深梵宇
一江花雨散晴空寺前青嶂屏常列天半朱霞路可通
行到曲闌杆外立渾疑舉翮御長風

寓開元寺題想甚麼軒素壁次許廉舫司馬韻

會寄坡公德有鄰又逢紺宇絕纖塵身隨傳舍原無定
心似懸旌莫認真問道只依如是岸行舟且聽自然津

紛紛名利場中客今古茫茫未了因

欲寫愁腸古硯枯漫將離恨繫元駒一心端信難窮物
百歲誰言不負吾卷內風雲神契友壁間山水臥遊圖
金繩覺路原同軌想入非非徑自殊
冬日同人游葫蘆山卽次壁間韻
湖上稀逢載月船山行選勝小春天蒼檣當澗寒逾秀
紅葉如花色倍鮮絃管聲隨游屐換詩歌跡與斷碑傳
忽思明日驪駒唱情怯長亭判袂連

遊葫蘆山復疊前韻

向日堂詩集

卷十

十四

楚客心如不繫船偶登絕巘望雲天山疑翡翠披霜淨
人愧芙蓉浥露鮮仙境何年曾夢到勝遊幾處好杯傳
家鄉萬里書難寄回首斜陽雁字連
許廉舫司馬王菊隱叅軍見和前詩疊韻奉答

新詩貽我若虛船寫出林亭別有天字與嶺梅爭馥郁
思隨寒浦映澄鮮輞川莊上清詞麗了卯橋頭好句傳
流水高山情不盡愧無佳調和成連

開元寺小集和屠別駕韻

客裏行廚漫乞鄰漫言樽酒洗芳塵山中品慕陶貞白

座上才欽賀季真苦海誰人登彼岸浮雲何處認通津
新詩乍出維摩舍一瓣心香悟夙因
韓江城外草方枯空谷伊人秣白駒投轄有懷誠好客
執鞭無術且從吾殘冬歲月如棋局瀛海雲山儼畫圖
通守淵涵襟宇曠一篇聲韻斐然殊

謁韓文公祠

粵東聲教有唐開天使昌黎特地來佛骨表呈昭日月
鱷魚文到起風雷名高北斗山同仰功挽狂瀾海欲迴
瞻拜不勝慚汗濕風塵誰是濟時才

向日堂詩集

卷十

重

立春日次來適園妹婿贈韻奉答

歲云暮矣又梅花重入滇陽若抵家夜雨平添新樂府
春風仍到舊官衙四方賓似穿雲鶴十載人如貫月楂
知我素心惟逸少擬將淡泊處繁華

題揭陽單在庵大令詩後

野甫才華迥絕倫每於吟詠見精醇一官心愜琴中趣
四序花開筆下春東海雄風強國士南天瘴雨瘦詩人
歲寒幸得松筠植許我同舟問遠津

適園詩次韻奉答

新詩攜到正黃昏奕奕風華愛季孫本爲細流溱海若
渾如大嚼過屠門鶯花觸物皆天籟風雨懷人繞夢魂
不朽三言真盛事問誰伏櫪志猶存

廿年遠宦氣胥平爾我襟期共舌耕訟別真誣方用律
獄隨大小必于情慚余蠶老經三熟羨子書多擁百城
莫向人前談量怯詩豪還藉玉壺傾

春日寄懷

靜觀諧物理聊寄短長吟驟雨非無意停雲似有心鳥
聲長起脆花氣晚來深時序推遷急春風又早臨

向日堂詩集

卷十

美

孤舟中不寐奉寄彭東郊廣文

孤舟誰與話深更魂夢蕭疏輾轉驚三伏天時頻變態
百年人事爲多情牀移明月隨心好枕帶流泉入耳清
但得新詩盈宦橐風華何啻謝宣城

遊碧落洞

天上開奇境當時夢見之何年下碧落平地豁清池流
水飛仙渡空山大力持誅茅謀小築庶可問安期

舟中曉起

曉風料峭送征舫坐起披衣側耳聽一夜孤舟心宕漾

五更殘漏夢零星江含宿雨遙天白山入新秋特地青
記得玉人臨別意推窗毋早漫叮嚀

韶陽舟次遇屠笏岩別駕贈詩并以嶺海停雲圖
索題卽次贈韻奉答

舊雨新知遍九州圖成嶺嶠集名流多情贈我殷勤句
失意憐公汗漫游海國浮雲心一片池塘春草夢三秋
白蘋紅蓼澗江畔且把閒懷寄水鷗

披卷疑游不夜城昔年曾寄話仙瀛雄才敏捷詩千首
豪氣酣嬉酒百觥對此茫茫興百感焉能寂寂過浮生
向日堂詩集 卷十 七

畫工早鄙春花落故作秋岑老樹橫
靜坐彈琴消息微莫嫌調古歎知稀美人何處水千里
之子不來山四圍入耳笙歌偕勝事迎眸魚鳥盡天機
憑將一幅新平遠收拾紅塵是也非

誰言金玉致生芻同道由來義不孤慧嶺泉香投轄有
綏山桃美報瓊無麥舟未遂丁壬爨莎署應慚庚癸呼
翦燭深更思續繪湘蘭一局賞心俱

舟中晚晴

一江秋色晚晴開紅樹青山兩岸迴農父歡歌時雨遍

舟人笑語順風來天知心急遲駒影合爲才疏竭駑駘
爲政曾聞多整暇風流每憶碧雲才

舟夜

紅蓼花開促織鳴夕陽江上動離情最憐有月無風夜
一任孤舟自在行

書懷

陌上車輪水上船忽然鬚鬢感華年孤雲向日霞生彩
老樹經秋葉弄妍天到晴明都道好人無疾病卽爲仙
蘭陵美酒伊涼曲炎冷何能共一筵

向日葵詩集

卷十

天

和袁子才太史詠物詩九首

鏡

澹澹菱花水竝功居然潤外又涵中肖來萬物皆成偶
照澈生人總是空妍醜過忘心不恨盈虛隨遇道無窮
末光若得相依附肝膽還期日月同

簾

不怕春風不怕霜長年低護鬱金堂水晶隔處人如面
湘竹分來淚幾行微雨空庭新燕入落花深院晚蜂忙
傾城消息誰曾辨未許輕開散異香

牀

對爾儵然百慮清尺書斜抱膝琴橫合歡春繪鴛鴦影
離恨秋傳蟋蟀聲夢醒黃梁惟一枕光分明月正三更
黑甜鄉裏誠多味反側何須睡不成

燈

多情一點在紅樓話夜長更繼晷油闌市繁星聯曲巷
寒江孤影淡漁舟花生靜几添新喜雨滴疏窗引舊愁
苦樂只因人意別熒熒含照自千秋

扇

向日堂詩集

卷十

无

不借南薰大力噓風生手內笑談餘薄翎揮去眞翩若
素紙擎來也穆如塵可汚人權作障情難見面忍傳書
納涼滋味君知否浴罷輕搖晚鏡初

尺

黃鐘律度重如鈞長短平來累黍勻功竝玉衡堪測景
術傳金粟妙通神家當製錦思良匠天欲量才付美人
莫道直尋宜枉用從知分寸少逡巡

杖

遠步尋芳力未勝芒鞋著處仗紅藤年深與爾行鄉國

老去隨君作友朋，倦後拋將青玉掛。
興來扶向碧山登，春田一夜滋靈雨。
多少農夫戴笠憑。

帳

何處春光隔翠帷，重重錦繡繫珠璣。
馬生講學聞偏衆，董子談經見亦稀。
紙護梅花香不散，夢回蝴蝶翅難飛。
遊仙枕上朦朧夜，酒醒寒窗燭影微。

香

誰把龍涎靜夜焚，一時庭院氣如雲。
座無荀令疑常在，室有幽蘭妙不聞。
金殿歸時餘馥郁，玉櫳深處暗氤氳。
向日堂詩集

卷十

辛

讀吳蠡濤廉訪杖杜詩集

海國歎猷縛，巨奸重偕台。輔出雄關廉，泉一勺心雖易。
戎馬三驅意，自閒碧玉青蘿聯。舊詠紅巾白扇破，諸蠻
勞人思婦知。公志杖杜歌成奏，凱還

紅蓮幕映碧蓮峯，壁壘深嚴百二重。勝算機隨千里遠，
雅歌情對萬山濃。崑崙夜度欒星落，刁斗秋高劍氣衝。
怪得蟻蛙咸屏息，元戎帳裏鼓黃鐘。

笳鼓喧喧討不庭，鏡歌一曲協和鈴。陣雲已壓牂牁郡，

兵氣潛消癸水亭
猷燈馬嘶泥雪白
載塗人憶柳條青
憑將作誦清風句
掃盡蠻邦戰血腥

七旬苗格載旂常
喜動天顏荷寵章
浪破長風酬夙願
儀分圓月映重光
花裊蠻女呈椰榼
鐵甲奚奴負錦囊
最是相思江上夢
樂稱君子話由房

與及門張青選孝廉夜坐論詩

杜老詩情老更狂
太空空處盡文章
胸藏錦繡生花筆
口吐珠璣水浣腸
我所思兮蝴蝶夢
吾無隱爾木樨香
美人自有天然度
何必趨時巧樣粧

向日堂詩集卷十

三

舟中書懷次適園韻

朝陽纔過夕陽紅
今昔人堪事異同
葵有丹心眞向日
草無勁性總隨風
始終易操嗟馮婦
得失因時羨塞翁
一雨官齋連十日
蓬窗喜見月朧朧

冬日舟中再疊前韻

芙蓉江上淺深紅
態比春花迥不同
好景若爲庾亮月
遂心偏送鄭公風
世無成敗何青史
人有行藏豈碧翁
除卻簿書錢穀事
未須清晰但朦朧

青濂道中

于役青濂溯急流西風瑟瑟蓼花洲山畱欵徑磨人足
天設危灘試客舟野菊無心開爛漫水鳶隨意浴沉浮
夜深明月行孤棹疑是乘槎問斗牛

舟中幾病舉酒大醉明早霍然作酒歌行

十月之交風勢狂輕裘禦之如紙張須臾噴噫類爆竹
渾身骨酸皮發芒瘡鬼持扇吹冷氣病魔掩映窺牙牀
老夫大怒發長嘯爾等無義敢披猖乘人之虛相擠抑
利人之危用播颺祇能詭譎欺瘦弱何以不敢犯壯強
幸災樂禍惟汝輩驅之可以維綱常吾將據情奏天帝

向日堂詩集

卷十

三

逐汝瘴海游外方呼童舉火添獸炭獨酌毋待侶求羊
茹君贈我酒一斗傾壺連飲數十觴開喙大嚼雞豕肉
發汗不用薑桂湯維時疾耗行踽踽思入肺腑深閉藏
拔劍逐之爾不去我將抉爾之心腸二豎畏卻走且僵
掉頭捧腹不敢望老夫大笑姑宥汝自今不許相徬徨
僮僕見之心竊喜我等恃主無憂傷噫嘻此事特偶爾
汝曹切勿蒙寒涼爾本氣弱不能勝當思解散求良方

書劍俠傳後

鵲噪疏林二衛來將軍神算護奇才空空妙手知何用

一擊終驚俊鵲回

聶隱娘

龍戰奇功入海隅，深閨俊眼識天衢。袂裘不遇真人至，

一局中原未肯輸。

扶餘國主

月照銅臺夜漏三，繡袍絲履駕鸞驂。牀頭已取黃金合，

愧煞三千外宅男。

紅線

手撲神嫫透鐵關，青衣遊戲在人間。若非玉女金童會，

焉得仙家撮合山。

崑崙奴

重修九成臺，落成章湖莊。太守命賦其事，作七言

放歌

向日堂詩集

卷十

三

韶陽城西佳境開，上有凌雲縹緲之高臺。俯瞰瀟瀟二水相，
滙合芙蓉萬朶夾岸排。青來有媯之樂，稱古昔聖言美善重方冊。
蒼梧九嶷何處歸，雙闕巍巍剩兩石。片石精英齊嶽崧，開元名相推羣崇。
蠻夷大長陋海國，一朝萬古開鴻蒙。名賢勝地起芳榭，樽酒畱賓花月夜。
黃堂選客招東坡，銘字千言重聲價。滄桑歷劫頽陂陀，夙首登臨嗟歎多。
黃金銅雀久已矣，戲馬章華今若何。景安觀察志修舉，梅溪太守竝嘉與。
君山慷慨鳩羣工，削憑築登竟令緒。翬飛鳥革氣象豪，美哉輪奐星辰高。春

風花鳥綴顏色學士詩篇添彩毫碧螺酒映春波綠愛
客滿堂賞不足風度何如張曲江襟懷誰似蘇玉局憑
眺崔巍思九成空中隱約聞簫笙太平人在熙春裏靜
聽天風鸞鳳聲

陸曜亭茂才談詩有素一別經年夏日邀陪陸松
嶺顧星橋兩太守於三元丹舍嗣以抱恙不至
承寄以詩卽次元韻

最難高會聚琴軒駘蕩薰風眺古原滄海溟鴻懷國士
夕陽芳草憶王孫雲山夢斷詩千首風雨聲殘酒一罇
向日堂詩集卷十

七

縱少瓊漿醫病渴未須高臥茂陵園
竟日名賢細討論海榴花下坐春温何期風月珠江岸
恰在神仙玉洞門內相才華新語好野王詞藻素編存
閒來乘興還親炙古誼應知共夙敦

以南宮石刻贈星橋太守作詩見贈卽次原韻
抱關原俗吏待客室無儲幸有風流守來觀不朽書彩
箋題鳳後古墨化龍初嘉蹟成雙美千秋重寶瓊

雷州陸松嶺太守招飲卽席口占

薰風吹遍越王臺昨夕趨隅今又來酒有合離隨處飲

花無榮辱自然開隼旟已服蠻夷長
彤宁終迎內相才十載西秦懷往事羊城惆悵白雲隈

題陸松嶺倚榻圖

更無思慮上童顏默坐神凝俯仰間
臥榻身安移粵海高車人慕在秦關
春華秋實心何戀綠杖丹書性自閒
莫怪含飴情繾綣鳳毛飛入五雲班

題何湘雪遺傳

本是仙才奪化工玉樓赴召玉堂空
誰催天上修文史未立人閒補袞功
夢斷瓊京雲黯黯淚添珠海雨濛濛
向日堂詩集

卷十

三

惟餘東閣清吟句千載梅花馥郁中

次松嶺太守除夕立春原韻八首卽送北上

殘臍偏逢一線春桃符已映日光新
雷陽地暖韶華早海國天低 聖澤勻
芻屋歌傳清白吏 彤庭詔重老
成人雄談博識頻驚座馴雅言堪副薦紳

年少心雄敵萬夫百千人裏認今吾
重洋已信無驚浪蜀坂何曾視畏塗
三輔樓臺前鳳闕五羊城郭古仙都
精神矍鑠年逾壯一片丹誠照赤烏

天生勁草不隨風表率無私政績隆
敢以逢迎稱諳練

肯將悃悞作疲癯月當圓處陰晴別花到開時大小同
試看夕陽烟景好半山明紫半山紅

波翻雲夢氣全吞侃侃清談直道存愛與解人論剝復
喜逢知己話寒暄留賓榻上雙飛劍繡佛堂中五采旛
富貴祇應明大體春風豈爲座中溫

清風拂袖遠行初度嶺偏言蓄有餘未許東山棋局靜
且傾北海酒樽虛心空握扇塵先卻足健移筇步轉徐
百尺喬松神愈固笑看官道不材樗

鴻才遠到治繁蕪豈類匏瓜繫一區直願親朋成聚落
向日堂詩集

卷十

美

不教僚屬累妻孥清音幾後知焦尾寶氣埋時識湛盧
若使高車溥郇雨郊原草木盡昭蘇

送別珠江玉笛殘 綸音催召莫盤桓海邦貢免珊瑚
樹漢使裝無翡翠竿月到三秋行路好花栽九畹素心
難衣冠度量原相越未許逢場一例看

年少趨隅到華州重逢內相度休休親知越水添新夢
定省秦關憶舊游雲海深沉難駐足斗山高峻但低頭
納涼聊補巴人調一曲陽春未易酬

